

**[真人真事改編]**  
**慘情四部曲 · 三個食檸檬的故事**  
**[不定期更新]**

**作者: TangTang**

## 第一部 變格： Ch. 1 由來 Ep. 1

「我都唔明，喺我最忙嘅時候，竟然要演歌劇.....咪啦，明呀，可唔可以話我聽呢套 Tales of Hoffmann 噏緊乜？」

「唉，拿，從前呢有個人叫Hoffmann.....最後佢就得到咗繆斯女神啦，完。」

「痴L線，一套兩個幾三個鐘嘅歌劇就係講條友食三次檸檬.....」

「係失三次戀呀！」

「唉是但啦，總之痴線，咁以我嘅故事呀，廿套歌劇都寫到啦！」

「好有歷史咁啲，呀寶！」

「唔係咩呀？話你聽啦.....」

*四年前 ~ ~ ~*

我係呀寶，我音樂比較叻，所以我身邊好多朋友都係一齊玩音樂嘅。我今年F.3係留級生，而我亦準備踏入追文慧嘅第四年。今日我又如常咁好早起身，坐上07:38

嘅地鐵，我每朝都好努力去令自己坐呢班車，因為我只有咁，我先可以每朝都見到果個肩披長髮，身型苗條嘅女仔。佢就係梁文慧 Michelle，我都算追咗佢四年，但卻係追唔到。我照樣咁坐係車箱嘅第二道同第三道門中間，佢就喺第一道門則面挨住。時不時見到我就翻白眼，之後又望翻去另一邊。就係咁，好快我哋就落車。Michelle一支箭咁就落咗車，而我.....唉，今日星期五，又要體育堂又要練樂隊，左手就成袋衫，右手就係一支單簧管，一抽二褲咁慢慢行咗出車。文慧好快就消失咗喺電梯上嘅人群中，我就只能頭扁嘴繼續行。

突然間有人一野咁拍咗落我膊頭度

「又跟住人尾翻學呀吓！」

點解我呢個計劃會比人識穿架.....我一擰轉頭見到一個梳all back頭，少少陰都冇，唔係好高，又擺住部大提琴盒嘅女仔。我頂.....又係Vicky，一定煩住我搞到歌都冇得聽。

「係呀，大偵探。」

我反晒白眼，勉強露出一啲笑容咁講，果然佢真係不停咁問我關於Michelle嘅事。講真，我真係唔介意同人傾計，但我真係唔鍾意朝早翻學有人阻住我享受自己嘅時間，所以我有理到佢，慢慢咁行翻學校。我呢啲唔係屋企食早餐嘅人，當然翻到學校就要買袋燒賣啦，加盒蘋果綠茶就正。我坐咗喺Canteen嘅正中間，一張空枱度，周圍都充滿抄功課同溫書嘅人，好似得我一個係食野咁。我繼續就坐喺度發呆，ff吓長大後嘅事。

如果我長大後做咗個唱作人，跟住~~~

我諗諗吓有樣野打擾咗我，Michelle就坐咗落我張枱度，不過我就喺左下角，佢就喺右上角。佢就好似當咗我透明咁，一眼都冇望過嚟，就係埋頭咁做功課。Shit，好似係Eng Lit功課，我有做添，唉是但啦，一向都唔交。我見佢做到皺晒眉咁，我望吓佢張紙.....果然真係一隻字都冇，佢擺住支筆，擺到實一實，

「妖！唔做啦！呀~~~唔得嗰陣間就交，唉。」

突然有人撞一撞我左面膊頭

「點呀，Vicky。」

---

大家可以follow 我Facebook page 。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang' 。

## 第一部 變格： Ch. 1 由來 Ep. 2

「妖！唔做啦！.....呀~~~唔得嗰陣間就交，唉。」

突然有人撞一撞我左面膊頭

「點呀，Vicky。」

「徐佩珊你都喺咩.....佢咁惡。」

「嘩，肥行，搞咩呀你，又要肥，又要剪啲飛輪海頭，知唔知柒嘅英文係咩呀？」

「umm.....」

「係D-I-C-K-Y-L-I，Dicky Li呀！」

「妖，唔好笑我個頭先啦，你睇吓Michelle，你唔幫佢，冇人幫佢架啦。」肥行好串咁講，聾嘅都知你暗示啲乜啦。

「鬼夠膽咩~~~」

都未講完，佢就推咗我過去。我同Michelle四目交投，我就成塊面紅到喊，Michelle就西我面.....

「你想點？」

「ummmm~~~冇~~~我見你好似唔識做，洗唔洗教吓你？」

「你自己都冇做啦，你點會識呀？收皮啦！」

Michelle執起啲野轉身就走去操場，翻去班果條隊度啦。

「原來你未做架，你加油啦，我幫你唔到。」

肥行都就咗去排隊準備早會，咁我都唯有食埋啲野行去排隊。Michelle咁講我令我深深不憤，追咗佢咁多年都係咁睇死我。難怪佢同兩個人拍過拖，再同我一齊留班都唔要我.....陣間早會之後仲有一堂先到Eng Lit堂，唔知Michelle做唔做得晒呢，或者我可以偷偷比啲寫咗point嘅紙佢嘅.....唉，算啦，佢都唔會理。喺佢角度裏面，我同垃圾有乜分別？丫，有嘅，垃圾起碼曾經都有用過，或者係一件有用嘅野落咗喺一個唔啱嘅人手上，或者曾經造就過一啲有用嘅野；而我就係完全冇用。

「Freude, schöner Götterfunken, Tochter aus Elysium,」

「梁家寶，你喺度唱緊啲乜？正經啲！」

「Joyful joyful we adore thee..... 呢首歌原文係咁架，唔識野.....」

我好細聲咁講。其實早會真係悶得很，到個老師分享果陣，我諗翻起頭先同Michelle 果吓四目交投，好似似曾相識咁。

某一日放學之後，我好熱衷咁參加咗藍社嘅啦啦隊預備活動，我好落力咁學緊跳啲啦啦舞。成班人一齊跳咗成個鐘，係時候放個break。我行到門前，跣咗一跣，咁就攤咗喺地下，成件衫嘅背面濕晒。呢個時候，我見到個肩披長髮，身型苗條嘅女仔，面上帶着小小嘅微笑，彷彿就好似因為我呢個滑稽嘅行為，而吸引到佢嘅注意。我快快咁起咗身，我哋兩個四目交投，為免尷尬，我點一點頭轉身就去咗廁所。當我再次返到去課室，佢已經走咗喇，我問我個同學佢叫做咩名，佢話佢叫Michelle Leung。

當晚我返到屋企打開電腦，登入Facebook，就係搜尋欄上面打咗Michelle Leung。第一個搜尋結果就係Man Wai Leung，有18個共同朋友，profile picture 上面有兩隻企鵝。我見啲共同朋友我都識，咁我就將浮標對準「加為朋友」然後揸咗落去。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 1 由來 Ep. 3

當晚我返到屋企打開電腦，登入Facebook，就係搜尋欄上面打咗Michelle Leung。第一個搜尋結果就係Man Wai Leung，有18個共同朋友，profile picture上面有兩隻企鵝。我見啲共同朋友我都識，咁我就將浮標對準「加為朋友」然後撇咗落去。

「你係咪鍾意我？」

個幾星期後我收到Man Wai Leung 嘅Facebook message。

「係」

「禁你鍾意我啲咩？」

「唔知呀，就係一種感覺囉。你呢，你唔係有仔架啦咩？點解佢鍾意你丫？不如直接咁問啦，你係咪鍾意佢丫？」

「唔知點解我對你都有一種說不出的感覺，係，我係鍾意佢，但我冇話唔鍾意你。應該係咁講，我愛我條仔，我亦都鍾意你。」

我暈咗一暈，但心諗：嘩，正，咁都鍾意我，但係佢有仔架喎，唉，是但啦，佢話ok嘅，咁應該ok掛。之後我就冇再喺Facebook message 度搵佢，反之喺Michelle因為喺我隔離班，我有時經過見到佢可能就會聊吓佢講野。但之後都越嚟越少見佢，佢就只係我單戀嘅對象。

啱啱開學，我發現Michelle 有個習慣，就係佢會搭07:38

嘅地鐵翻學。佢見到我好快就用反白眼嚟代替惜日嘅點頭微笑，而且一到站就一支箭咁沖落車走，搭電梯果陣我望住車站嘅深藍色牆我就喺度諗係咪注定咗呢一切都係咁。上到地面，我上前追問佢點解相隔一個暑假就咁唔同。

「1，我唔鍾意你；2，唔好煩；3，講完。」

「你又話『我愛我條仔，我亦都鍾意你。』嘅？」

「你諗多咗啦。」

吓？Michelle

明明之前係咁講架，點解放咗個暑假會唔同晒架？我頓時間呆咗一呆，雙眼都睜大晒，啲睡意即刻全部冇晒。

「仲有呀，要我鍾意你，我不如去食屎算。好心你照下鏡啦，你咁on9，又柒，邊會鍾意你啊？」

## Michelle

講完就越過我，向學校方向走咗。我就喺地鐵站發晒呆，眼裏充滿住淚水，卻流唔出。我一路行翻學校，身邊一切嘅事物都好似靜咗音。我繼續好孤獨咁行翻學校，腦裏面一直諗，究竟發生咗咩事？我做咗啲乜野？定係就係因為我有做啲乜野？我唔知，我淨係知道我聽到走音嘅F# major

嘅考鐘，我要衝啦。竟然身後有把粗獷女仔聲：「喂，家寶，行啦！喂！！！」

我心諗：吓我咪跑緊囉.....但呢把聲都仲係繼續。

「發完呆未呀？前面行晒啦。」Vicky 笑我咁講。

老師原來已經分享完，報告埋添啦。我就on99 咁棟咗喺操場.....唉，或者Michelle 當年講得啱，我係真係on9，真係柒。我快快手手執埋啲野就跟翻條隊就啦。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。



## 第一部 變格：Ch. 1 由來 Ep. 4

老師原來已經分享完，報告埋添啦。我就on99 咁棟咗喺操場.....唉，或者Michelle 當年講得啱，我係真係on9，真係柒。我快快手手執埋啲野就跟翻條隊就啦。

上到課室，Miss Lam

已經棟咗喺度，點解而家啲班主任可以快到咁。又要上英文堂，好彩今日係對Grammar Book，我可以趁機寫Eng Lit 編essay。於是我一於無視Miss Lam 攤開本Grammar Book 跟住喺櫃桶度極速工作，我偷偷望前面，Michelle 都喺枱底寫緊野，睇怕都係做essay。我成個腦都係果句「你自己都有做啦，你點會識呀？收皮啦！」我唔服，過咗三年都仲係比佢串，呢點成為咗我寫essay 嘅最大動力。我左手揸住本紅色嘅Eng Lit 書，右手就係咁寫，隻眼唔係搵quote 就係睇住自己寫乜，一路寫咗4版，我詞窮啦。我寫完就抬起頭，Miss Lam 望住我呢邊，佢用凌厲嘅眼神住我，全班都靜晒，由Miss Lam 果邊傳嚟咯咯聲，呢把聲仲越嚟越近。直到喺我面前有一度黑影，就好似動漫裏面啲變態社監咁。

「Why are you so busy？」

佢一手搶咗Michelle 份功課。

「Oh, literature essay! So hardworking, seems like my lesson distracted you from brainstorming ideas.」

佢一手撕咗Michelle 份功課。

「Well then I suggest you to do it from scratch afterschool in room 108. You might get someone to help you, maybe Romeo.」

叮噹叮噹 ~ ~ ~

「Alright, class let's continue next time.」

跟住Miss Lam 就掉咗Michelle

份essay。我隱若聽到前面傳嚟一啲好弱嘅喊聲，Miss Lam 好冷莫咁就走咗，我遞咗張紙巾比Michelle，不過佢搵開咗我張紙巾，佢寧願用件衫抹都唔要我張紙巾.....

「aiya 俾紙巾都食到檸檬，正垃圾，都唔知點解要坐舊垃圾隔離。」Vicky 細細聲講。

「乜你咁架，人哋喊緊你都唔理人，淨係串我。」

接住嚟就有一把好正好sexy 嘅鬼佬聲

「Alright, class. Before you sit down, please hand in your essay. As long as you have given me your essay, you can sit down.」

全班一個一個坐低，唯獨我同Michelle未坐。我都好快擺份essay 出去。

「What a micale, Romeo finished his work. Nice job.」

我點點頭就行翻去，Michelle 似乎有啲驚訝，但就繼續西我面。

「Sorry, Mr. McArthur, I haven't finished my essay.」Michelle 講完都索咗吓鼻。

「It's ok, don't cry. Just finish it before you leave the school. Please be seated.」Mr. McArthur面露仁慈嘅笑容咁講。

就係咁Michelle 就冇再喊，同時佢都要俾人罰留堂做essay。小息嘅時候，Michelle 就頭咁行咗出班房，呢個時候肥行過咗嚟諗住搵埋Vicky 同我落Canteen 食野。

「你係咪喪架啦，1 堂搞掂份essay 今朝推你去Michelle 度都未做架你。」

「條友追女仔追上腦呀！成堂英文堂我好似冇咗個隔離位咁，唉，我建議你陣間放學好把握機會啦，雖然事實上你應該都係唔得架啦，不過見你係friend 先睇好你架咋。」

「唉得啦，係咪食野呀，再唔行啲炸燒賣比人搶晒架啦！」跟住全日都冇咩發生，因為一係Michelle 西我面，一係我訓咗。不過真係值得一提嘅係學校啲炸燒賣真係好好食。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 1 由來 Ep. 5

終於等到放學，正，又係練樂團嘅時間。Michelle 亦落咗去留堂。

「洗唔洗幫你擺啲袋去hall 先呀？」

「唔洗啦，你又擺住個大提琴咁麻煩，你落去先啦。」

「唉，咁一齊落啦。」

估唔到Vicky 份人都幾好，除咗平時惡啲之外.....

我哋預起書包，擺起樂器同啲體育衫就慢慢行落去1樓。喺108室裏面除咗Michelle 之外，一個人都無。佢坐咗喺度，同朝早個樣一樣，都係乜都寫唔到，然後皺晒眉。

「幫你擺支樂器去hall 先啦，你快啲去教文慧野，唔好衰呀。」

「唔該。」

我交低咗我果支平時絕對唔會比人擺嘅單簧管比佢，平時人哋掂吓我支樂器我都好似變咗隻癲狗咁，個個都會對怕咗我支樂器，行開一兩步玩。唔知點解我今日會咁信任Vicky，比佢擺咗之後我好似覺得冇乜野咁，可能係因為我掛住去搵Michelle掛。

嘎~~~~

「你要睇Chapter 4嘅中段先會搵到事件嘅開始，成題essay 集中咗喺呢度到Chapter 5開頭。」

Michelle 聽完我講，啤一啤我，揭咗去Chapter 4 就繼續唔理我。於是我帶點豪氣咁擺咗佢支鉛筆喺本書度間咗一間。

「呢句重要呀，不如我解比你聽啦。」

「我比你教唔等於我會鍾意你，清唔清楚？」

「得啦。」

於是我開始同佢解釋段故事，分析吓啲point，搵吓quote，整理吓份essay 嘅結構。整個過程就好似啲聖誕舞會嘅宣傳片裏面男女主角一齊溫書咁。Michelle 同我好難得咁有講有笑，識佢咁耐都冇試過咁。話唔定做完essay

同佢食個tea，大家關係就會好轉呢。佢嚟我嘅指導吓終於完成咗份essay，佢交完比Mr. McArthur 之後翻到嚟就執野，我深呼吸

「我.....肚餓呀.....你.....你.....有冇興趣一齊食tea？」

「都好，去食八方雲集丫。」

呢個時候hall 傳嚟咗啲樂團嘅聲。

「係啲，你唔係要練樂團咩？」佢微微擡起嘴角咁講「你竟然走練習？」

「係呀，唔走都走咗啦，食埋野先翻去啦。」

正，咁就呃到一餐同Michelle食嘅飯。行出咗課室，我問唔時偷偷哋同佢肩貼肩咁行。佢都好似唔係好介意咁，所以我一直keep住咁行過canteen。個感覺好正，就好似真係拍拖一樣，一直去到八方，坐低就嗌野食。

「你呢啲音樂人竟然走練習嚟同我食tea？」

「我都話我肚餓啦！」

「扮咩丫，你當我唔知點解咩。」

「咁你又問？」

「問吓唔得咩，睇你個樣梗係因為我先行出嚟啦。」

佢又微微擡起個最角，串串貢咁講。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 1 由來 Ep. 6

「我都話我肚餓啦！」

「扮咩丫，你當我唔知點解咩。」

「咁你又問？」

「問吓唔得咩，睇你個樣梗係因為我先行出嚟啦。」

佢又微微擡起個最角，串串貢咁講。我當堂面都紅晒，都唔知點答佢好。真係果然我呢啲人點都唔及Michelle 呢啲有豐富經驗嘅老手，一眼就比佢睇穿晒。

「你快啲食啦，陣間翻都去比人鬧呀。真係服咗你，咁鬼死纏爛打，仲好意思約我出嚟食tea。」

我面露尷尬嘅笑容，我哋正正常常咁就食完個tea。我擺起銀包埋單，我仲擺埋Michelle 張單去埋。

「多謝啲，家寶。」

### Michelle

一次過做咗兩件佢未做過嘅事。一，同我講多謝；二，唔係叫我全名。仲要加埋個笑容，我完全呆晒，塊面就紅到好似啲卡通片嘅角色咁。Michelle 見我咁樣，摸一摸我個頭。

「拜拜啦，我行果邊搭巴士，你快啲翻去練野啦。」

我感覺到我嘅靈魂漂咗出嚟，唔知啲人死咗係咪都係咁嘅呢？我望一望錶，嘩，都就嚟五點半，我急急腳就翻去禮堂。

「翻嚟啦？啱啱轉管樂團練習呀。你哋頭先點呀？」

「正！話唔定會得。唔該你呀，Vicky。」

「aiya，進一步啦，唔理你啦，我去弦樂團先，再傾，你慢慢FF 啦！」

唔係講笑，我諗Michelle 可能真係對我改觀。不過成個weekend 我搵佢，佢都只係hea 覆我幾句。都好啦，起碼佢會理我先。

星期一 ~ ~ ~

一起身，天就好黑，唔知做乜鬼。我睇天文台就話落雨，所以我都係擺定把長遮啦。  
。我依舊搭07:38

班地鐵；我依舊見到果個肩披長髮，身型苗條嘅女仔；我依舊問唔中望吓佢，而佢竟然對我笑咗笑，就擰轉頭，係奇跡呀！架車到站，都係喺個深藍色嘅車站，呢個女仔又係一支箭咁落咗車，今日我有野擺，雖然又做唔到一支箭咁快，但最少冇之前咁同佢分得好開。一路去到出口，果然落大雨，呢個女仔係出口卻步，摸一摸佢書包，即刻嚇到拉開拉鏈不停攞個袋。我行咗埋去，一道陰影就喺我同呢個女仔上面。

「早晨呀，Michelle，介唔介意一齊行？」

Michelle

佢停咗手，望一望上面，再望一望我，向我點點頭，我哋兩個就踏出咗地鐵站。我同佢一直好似星期五咁行，我又問唔中hi吓佢膊頭咁。

去到學校，Michelle 就去廁所，而我就去canteen  
買水，所以我就行前梯，Michelle 就行後梯。上到課室啱啱可Michelle  
先入課室，我就喺佢後面行入去。

「嘩，係美女與野獸呀！講開又講，文慧你幾時轉口味食呢隻野獸架？哈哈！」

一個高高咁瘦瘦咁嘅一個MK

菇頭仔，笑住咁講。佢把聲又響又大，方死冇人聽到咁。再加上佢個好大嘅嘴，E起棚牙咁恥笑。佢一路笑就一路拍佢右邊一個矮啲，個頭成個小夫咁嘅仔。

「你.....你咁.....」

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 1 由來 Ep. 7

「你.....你咁.....」

「喂喂喂，我哋嘅鋼琴家媾到女嗰！Aiya，掛住媾女咪冇時間練琴囉！不過唔緊要啦，《夢中的婚禮》都唔識同唔識彈冇分別架啦。」成個小夫個男仔咁講。

我同Michelle

即係面紅耳赤，我擘大隻眼住佢咁兩個，眼裏面燒起咗團火。我見住Michelle嘅背影，佢僵直咁棟咗喺度，雙手捉住書包條帶。我哋就係咁企咗喺門口，冇郁到，一直望住課室嘅中間。走廊、窗外通通都係一片黑暗，仿佛我哋就喺舞台上，射燈照住嘅我哋就被射燈外嘅觀眾睇住。

Michelle 低頭，谷住道氣咁講：「楊偉文、黃汶澤，你.....咁.....憑咩咁講？」

「我睇住你咁兩個架，一路行翻嚟就雨中漫步咁，嘩，喂，Romeo呀，你遮得呀Michelle 咁開心呀，但呢個係Michelle 咋嗰，唔係Juliet嗰！你哋唔講真係唔知原來沙士比亞果套叫Romeo and Michelle 呀。」果個MK 菇頭好囂張咁對住Michelle 講。

「楊偉文，佢遮我，我比佢遮除咗代表我冇帶遮之外，我唔見得代表啲咩其他野。」

「喂，Ronald。」果個小夫類嘅人拍吓個MK 菇頭膊頭講：「上星期五已經見到佢咁兩個就拍住拖咁行出咗課室，間唔時Romeo又偷偷咁同Michelle 肩貼肩咁行。最緊要係Michelle 又唔介意架嗰，你哋就係咁一直keep 住咁行過canteen。嘩，但係聽講Romeo 你要練樂隊架嗰，唔知我同Miss Chu 講咗會點？」

MK 菇頭就拍一拍個小夫頭

「Jayden 唔好咁斷人後路啦，人哋已經廢到得翻音樂架啦，你咁Michelle 會覺得有咗件垃圾做男朋友好自悲架。」MK 菇頭就行埋嚟我身邊，大力鏢一鏢我個右膊頭。跟住喺我耳邊細聲講

「Romeo ~ ~ 你放心。（跟住好大聲咁講）我唔會同人講梁家寶你為咗你女朋友梁文慧而走咗樂隊練習架！唔信你問吓你女.....」

「夠啦！」Michelle 一手拍咗落張枱度，用佢最強嘅高音嗌咗出嚟。

「我同呢條爛癱一啲關係都冇！」

Michelle 行咗埋嚟，推開咗MK

菇頭，一手扯起我啲頭髮，一手指住我話：「呢條咁嘅碌柒，邊個會鍾意佢？要我鍾意佢，我不如去食屎算。」

「乜你仲係咁諗我架？」我呆咗咁講。

「你同我收皮！」Michelle 一巴車埋嚟。

「你痴線架？！」Vicky

一手扯咗我出課室，就一路帶咗我上7樓。「佢有冇野呀，痴線，有乜理由你對佢咁好都會一巴打過嚟？」

「咁我搞到佢比Ronald 同Jayden 屈嘛。」

「咁就可以打人架啦？」

我冇出聲，淨係低咗個頭，翻學果陣原有嘅笑容已經一早冇咗，換嚟嘅只有扁嘴同皺眉。

「我哋打鐘先落翻去啦，寶。」

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。



## 第一部 變格：Ch. 2 改變 Ep. 1

叮噹叮噹 ~ ~ ~

我由呢刻開始，我有再講過野。好急步咁就行翻落課室，更加撇甩咗Vicky。我好快就坐翻埋位，由課室嘅門行翻入位嘅途中，經過一個一個嘅同學，佢哋目無表情，甚至有啲以鄙視嘅眼神咁望住我，感覺就好似死囚行入電椅房咁。面對住自己將要坐落去嘅果張櫈，我仍然空白一片，玻璃窗外就係一班見證人，佢哋唯一嘅職責就係睇住我死。我坐低喺電椅上面，我面前就係一個肩披長髮，身型苗條嘅劊子手。佢靜靜嘅背住我坐咗喺度睇書，可能係睇緊電椅操作說明書？但我諗以佢熟練嘅手法，應該唔係。冇耐，牧師入咗嚟坐咗喺我隔離。佢輕輕拍吓我隻手，然後亦擺起佢本書，仿佛按住聖經為我祝禱。我亦擺起我本Les Miserable Volume I Book 8嚟睇，短短呢20分鐘嘅閱讀堂，真係令我感受到死囚嘅感覺，不過事實上我唔係死囚，因為其實我已經死咗。

我睇到Chapter II，女角色Fantine 喺病床上面握住Valjean嘅手，眼望到幻覺產生出嚟嘅女，Cosette。佢越嚟越唔舒服，好快就過咗身。我唔敢將自己同Fantine比較，我邊會夠佢咁慘，但係問心嗰句呢三年幾四年嚟，我對Michelle 就好似Fantine 面對命運咁，做過好多野都卻係改變唔到命運。Fantine 賣頭髮，賣牙齒，賣身體，最終亦難逃收割者鐮刀之下嘅收割；我等待左三年，希望左三年，妄想左三年，最終亦難逃Michelle 嘅掌摑。

閱讀堂嘅安靜一直伸延到其他嘅課堂，老師嘅說話，同學嘅吵鬧，我少少到感覺唔到，一直就係呆坐咗喺位上面。Vicky 同肥行小息見我唔出聲，佢哋都冇叫我落Canteen 買野食。偶然有幾個追逐嘅同學跑過撞到我，我哋都無視大家，好似撞到鬼魂一樣，大家視而不見。突然有一個紙波從Ronald 個位飛咗過嚟，我打開佢，裏面淨係寫住「Opps！」我望吓Ronald 果邊，果然Ronald 同Jayden 就以一個挑逗兼乞人憎，裝作憐憫我嘅表情望住我。我將張紙揸翻埋做一個波，塞咗入櫃桶，繼續我嘅發呆。

去到食晏，Vicky 同肥行走埋嚟搵我

「你一唔一齊食呀？」肥行好平淡咁問我。

我有理到佢，望都冇望佢擺咗件冷衫，就咁就行咗落canteen，買咗個三文字同蘋果綠茶就行上7樓嘅小聖堂外面食埋啲野，然後就入去開咗部琴彈。我即興彈咗一啲

音樂出嚟，好慢嘅minor

嘅歌，我將成朝嘅負能量方晒落去亂彈一通。彈咗好耐，我終於肯停，喺呢個時候有一把女聲。

「寫低佢咪作咗首歌囉。」

我有開燈，喺好暗嘅小聖堂裏面，呢個唔係好高嘅女仔慢慢行入穿透咗花窗玻璃嘅陽光，喺七彩嘅暗光下稍稍見到佢個少少陰都冇嘅all back 頭。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格： Ch. 2 改變 Ep. 2

「寫低佢咪作咗首歌囉。」

我有開燈，喺好暗嘅小聖堂裏面，呢個唔係好高嘅女仔慢慢行入穿透咗花窗玻璃嘅陽光，喺七彩嘅暗光下稍稍見到佢個少少陰都冇嘅all back 頭。

「你又知我喺度嘅？」

「呀大鋼琴家，我話晒都坐你隔離丫。咁嘅時世，你唔搵全校最孤癖嘅琴，唔通你去lobby 果部彈咩？食咗野未呀，我買咗個巨無霸餐呀。」

「多謝。」我接過呢份巨無霸餐，佢仲係暖嘅，果然頭先份三文治係唔夠飽，好快就開始食呢個餐。

「我係唔係好蠢？」咬住個包嘅我，咬字不清咁講。

「直頭on9 啦，公廁你都要。人哋都擺到明唔要你啦，你仲睇時間喺佢度。」

「咁我放唔低佢嘛。我愛一個女仔有咩錯㗎？」

「人哋唔要你愛丫嘛。姑勿論Michelle 係唔係走寶，呢啲咁嘅人點都唔值得你愛佢。努力搵過另一個，忘記Michelle 啦！」

「講就易囉。」

「唉，咁啦，幫吓你啦我。星期五練完樂團之後不如一齊食飯啦。」

「你話點就點啦，拿，俾翻\$21 你，多謝你幫我買飯。」

星期五～～

「陣間你管樂團完咗，快快手執埋張自己啲野就嚟音樂室搵我啦！」

「哦，我哋食咩要咁趕呀？」

「唔好理啦！」

Vicky

跟住擺住佢部大提琴上音樂室，我就等啲弦樂同學行開晒就幫手將管弦樂團嘅拜位轉成管樂團嘅擺位。正當我搬緊啲櫈，長笛首席周穎賢 Joyce 走過嚟搵我。佢矮我一個頭到啦，啲皮膚好好好白嘅，有少少肥，真係好少，望落唔會瘦到好似會一掂佢就斷果種，因為佢同我同一間小學，係一間唔準女同學留長髮嘅學校，所以佢自然慣咗短頭髮，係呢幾個月先開始留長，而家就扎咗一條好短嘅辮。周穎賢係我啲樂團裏面最好嘅朋友，除咗因為我哋識咗好多年之外，仲因為佢同我一樣都好鍾意音樂，樂團裏面唔係個個都咁鍾意音樂，有啲就係啲比較初級嘅同學，佢哋同常都唔會同啲首席呀，玩得高級啲嘅同學玩。變咗我哋啲鍾意音樂嘅就會自己玩，所以平時周穎賢走過嚟搵我都冇乜特別，但今次佢好似帶點膽心，有少少皺起眉咁走過嚟。

「Vicky 無啦啦約你食飯嘅？」周穎賢帶點覺得奇怪嘅語氣問我。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 2 改變 Ep. 3

「Vicky 無啦啦約你食飯嘅？」周穎賢帶點覺得奇怪嘅語氣問我。

「你知唔知我同Michelle 嘅事？」

「聽過吓啦。」

「果件事之後Vicky

話幫我放低佢嗰，所以約我食飯。」我一路擺住我支樂器同譜行去第一行嘅右邊「不過我都唔知佢會帶我去邊食。」我望住周穎賢縮一縮膊頭咁講，然後就放低支樂器喺櫈上面「呀，我去擺擺口水布先，唔講住。」咁我就行翻去自己個盒度擺啦。

「哦。」周穎賢亦有少少無奈咁坐低咗喺指揮嘅正前方果張櫈。跟住個幾鐘佢時不時就會望吓我，我見佢望，我又會同佢吹吓水，畢竟成日停低練其他人，我哋冇份吹係有啲啲悶嘅，但總之，一切都好似正常咁啦。

「冇乜野啦，咁每個人都記得執好自己張櫈同譜架啦！」周穎賢提醒所有樂團嘅人，我平時都會幫手執埋其他野嘅，不過今次真係快快手手執完自己啲櫈呀樂器就走咗上音樂室搵Vicky 啦。

我喺音樂室門口，都未開完道門，Vicky 就走咗出嚟啦。

「快啲啦！」

「究竟我哋食咩要咁趕呀？」

「今日我哋去食你一直都話想食嘅野，不過要先去一去我屋企，所以要快，咁過到去都成八點架啦！」

「哦。」

我哋好快就上咗Vicky

呀爸架車，有錢人真係唔同啲夜啲翻呀爸會車佢翻去。佢爸爸好好人，同大富翁上面個公仔一樣有執鬚，不過冇咁肥。

「麻煩晒你啦，uncle。」

「你就係呀寶啦？唔麻煩，多謝你一直做呀珊好朋友就真，快啲扣安全帶啦！」坐

睇我左邊嘅Vicky 有少少興奮咁問我：「你鍾意打咩咤？Bow 咤定領咤？」

「Bow 咤，但我唔識打真嘅，所以我只會打領咤。做咩無啦啦咁問？」

「冇呀，叫我工人準備好啲衫，陣間去到屋企即刻就換架啦！」

「吓？做乜無啦啦換西裝？」

「hehe，我哋去食法國菜！」

「吓，唔係半島酒店先要著正裝架咩？我哋唔係去半島呀嘛？」

「係就係啦，不過係我哋book 咗一間房我哋幾個family  
食飯，我哋幾個後生嘅有間房仔架！」

果然有錢人真係唔同啲，真係理解唔到，分分鐘我成世人唯一一次去半島就係今日。

我去到Vicky

屋企，間屋又冇話咩三層樓水晶吊燈咁誇，佢都只係一間小築，兩層咁啦，似村屋咁。我擺咗件西裝去廁所換咗佢，擺咗啲gel，gel 咗個頭，出翻嚟Vicky  
嘅工人幫我打一條紅色有啲花紋嘅真係打嘅，唔係後面扣鈕嘅bow  
咤。我企喺塊鏡前，見到自己身上套寶藍色西裝，我覺得自己有幾分似美女與野獸  
隻變翻王子嘅野獸。

嘎~~~~

我轉身一望，嘩！

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。

## 第一部 變格：Ch. 2 改變 Ep. 4

嘎 ~ ~ ~

我轉身一望，嘩！行出嚟嘅係一個身材幾好，但有啲啲矮嘅女仔，佢著住一條淺藍色嘅短連身裙，冇扎辮，冇all back，冇擺住大提琴。雖然我知係邊個，但係我真係唔信係佢。佢轉咗個圈就問我：

「我著得靚唔靚呀？」

喺呢一刻，我好似發緊呆咁，我會過神嚟就話：

「件衫就靚啦，不過個人就難講啲。」

「車 ~ ~ ~ 你去死啦！」

其實答案就喺自己心中。我放低咗個書包、單簧管同體育衫嘅Vicky屋企，就同Vicky一齊上翻架車走啦。

既然著得西裝，我都要似翻個紳士嘅。架車停咗喺半島門口，Vicky好自然咁將手放喺門嘅手制度準備拉開。我及時搭一搭佢膊頭，佢好愕然咁望住我，我轉身打開左邊車門，繞過車尾去到右邊，我打開車門，然後伸隻手出嚟。Vicky見到我咁做即刻面帶咗一點微笑，將佢嘅右手亦放喺我隻手上面，踏出架車。佢右腳伸出車嘅時候就有如灰姑娘踏出南瓜車，焦點都放咗喺對玻璃鞋度一樣，我亦不禁將焦點放咗落佢對雪白嘅高踭鞋度，雖然個踭唔係話好高，但我都係大一次見Vicky著得咁斯文。我門埋道門，Vicky爸爸駛架車去拍，媽媽就陪爸爸。我曲起手，差住腰，好快就有隻小手穿咗入呢個窿裏面，我收緊少少個窿，然後就同身旁呢個女仔行入去。

我哋經過咗個華麗嘅大堂，行咗都一小段路，我哋嚟到間私人房，裏面有一個細Vicky三年，身穿一件有藍色迪士尼圖案嘅白色連身裙嘅女仔，同埋一對年紀相差一年嘅姐弟。家姐原來只係細我一個月，著住一件白色上身，深藍下身嘅晚裝長裙；細佬就著住一件黑色西裝打深藍色底配白色斜間嘅領呔。我哋踏入房間嘅時候，佢哋都望住我，整個空間頓時停咗，周圍瀰漫住一陣尷尬。

細佬見我就好好人咁過嚟話：

「終於有年有個男仔陪吓我，我係James，佢係我家姐，Charmaine。」

佢指住坐咗喺度篤電話嘅家姐話。

「跟住佢係玲玲，隨便坐啦！」  
佢指住果個縮埋一邊唔敢望我嘅玲玲咁講。玲玲望一望我，佢目無表情，又唔係話特別好好好靚咁，但唔知點解就有一秒將我個眼球吸咗過去。

---

大家可以follow 我Facebook page。

歡迎大家留言，甚至DM 我。

有興趣聽吓我啲歌嘅可以Subscribe 我Youtube Channel 'TangTang'。